



**Francisci De Fargna Civitatis Plebis Patrii Philosophiæ,  
Sacræ Theologiæ, ac J. U. Doctoris ... Commentaria In  
singulos Canones De Jurepatronatus**

Qui sparsim tam intrà, quām extra corpus Juris Canonici vagantur ...

**Fargna, Francesco de  
Romæ, M. DCC. XIX.**

Casus I. Argumentum. Terminus a jure, vel ab homine in limine Fundationis præfixus Patrono ad præsentandum, à quo die incipiat currere, & an sit servandus in Cappellaniis mere laicalibus.

---

[urn:nbn:de:hbz:466:1-72172](#)

## ARGUMENTUM.

Terminus à Jure, vel ab Homine in limine fundationis præfixus Patrono ad præsentandum, à quo die incipiat currere, & an sit servandus in Cappellaniis merè laicalibus.

## SUMMARIUM.

- 1 Patronus nisi præsentet intrà terminum à jure statutum, Proviso Beneficii liberè devolvitur ad Ordinarium. Limita, ut num. 2. & 3.
- 4 Præsentatio facta extrà tempus à jure præfixum, nullum jus tribuit præsensato, nec impedire valet devolutionem Beneficii ad Ordinarium.
- 5 Collatio Beneficii facta à Collatore, elapso semestri, nullum jus tribuit.
- 6 Clementina Cùm ei de concess. præben. in quo sensu loquatur 2 vide num. 21.
- 7 Terminus à jure assignatus ad præsentandum incipit currere non à die vacationis, sed à die vera, & certæ scientie vacationis Beneficii, & num. 33. & 34.
- 8 Ignorantia supina, crassa, & inverisimilis vacationis non attenditur.
- 9 Quodlibet impedimentum impedit cursum temporis Patrono ad præsentandum, & Collatori ad conferendum.
- 10 Regi, aut Principi Supremo, quantumcumque scienti non currit tempus ad præsentandum.
- 11 Terminus à Fundatore præfixus ad præsentandum incipit currere à die scientie vacationis.
- 12 Pēna devolutionis fuit introducta ad effugiendam, & compescendam negligentiam Patroni in præsentando.
- 13 Ignorantia vacationis Beneficii, & quodlibet impedimentum præservat jura Patroni à devolutione ad Superiorem.
- 14 Enumerantur impedimenta, ob quæ tempus præsentandi Patrono non currit, & num. 15. & 16.
- 17 Præfixio termini unius mensis ad præsentandum per Fundatorem indicata primo instituto in Jure patronatus, an censetur repetita quoad substitutos.
- 18 Scientia Compatroni nocere non potest in præsentando alteri Compatrono ignorantie vacationem Beneficii.
- 19 Ignorantia unius Patroni impedit devolutionem ad Ordinarium, & jus præsentandi conservatur in ipso, aliis propter scientiam exclusis.
- 20 Textus in cap. Statutum de præben. in 6. fuit derogatum per Extravag. Piæ sollicitudinis de præben.
- 22 Scientia vacationis Beneficii in Patrono est ab eam allegante concludenter probanda.
- 23 Scientia vacationis Beneficii ad effectum devolutionis probatur in Patrono ex præsumptionibus, & conjecturis; Et quæ sint istæ conjecturæ? Vide num. 25. 26. 27. 28. & 29.
- 24 Si vacatio Beneficii fuit adeò notoria, ut appareat summa negligentia in Patrono eum ignorante allegantis, tempus incipit currere à die, quo scire debuit, & verisimiliter potuit.
- 30 Terminus juris, ad præsentandum non est servandus in Cappellaniis merè laicalibus.
- 31 Literæ Apostolicæ in omnibus justificatæ sunt exequenda.
- 32 Beneficium esse patronale probatur ex assertione Episcopi.
- 35 Ad convincendam scientiam in Patrono, an satis sit Edictum, quod per Ordinarium ad valvas Ecclesiæ affigitur.
- 36 Patronus absens, quando est notus Ordinario, est specialiter citandus.
- 37 Ignorantia vacationis probatur medio juramento Patroni.
- 38 Regulæ 35., & 36. Cancellariae effectum suum operari non valent sine aliquo titulo saltē colorato, Amplia ut num. 39.

## C A S U S I.

**R**eservavit quidam Testator Juspatronatus Beneficii, post ejus mortem statim de propriis Bonis erigendi, favore sui fratri, cui præfixit terminus unius mensis ad præsentandum Rectorem à die sui obitus, & in ejusdem Fratris defectum substituit illos de familia A. quibus omnibus voluit insolidum competere idem Juspatronatus; Defuncto Fratre Fundatoris, & facto loco substitutioni favore eorum de dicta Familia; vacavit interim, nimirum die prima Januarii 1718. præfatum Beneficium; Tres ex illis de familia mo-

rantes in loco Beneficij, & hujus vacationis optimè consij nullam expleverunt præsentationem: adeòut Ordinarius post lapsum quadrimestre de dicto Beneficio liberè providit quemdam Clericum; E contrà alias de eadem familia, utpotè distans à loco Beneficij, hujus vacationis prorsus ignarus, certior factus die prima Junii ejusdem anni, paulò post paucos dies præsentavit ad prædictum Beneficium Clericum idoneum, & habilem, & instetit coram Ordinario pro illius Institutione; Quæritur an hujusmodi Clericus Præsentatus ab eo de dicta familia, sit instituendus, amoto liberè Proviso per Ordinarium, vel potius hic sit manutenendus in possessione Beneficij.

Respondendum videtur liberè Provisum per Ordinarium Juri devoluto esse in hoc casu manutenendum in possessione Beneficij, & præsentatum à præfato Patrono nul latenùs esse instituendum; Vacato namque Beneficio, Patroni non solum non obser varunt legem sibi præscriptam à Testatore, præsentandi nimirum intrà mensam à die ejus obitus, cuius mensis præfixio, ad præsentandum licet legatur directa ejus Fratri primo instituto in Jurepatronatus, censemur tamè etiam repetita in eis de familia substitutis, verum etiam nec observarunt terminum à jure Patronis Laicis præfixum, dum negligentes, & de proprio jure parum curantes, nec præsentarunt intrà mensam, nec intrà quadrimestre; validè proindè potuit Episcopus jure devoluto liberè conferre hoc Beneficium; cùm clara sit juridica illapropositio, quod non præsentante Patrono personam idoneam intrà terminum à jure statutum, provisio Beneficij liberè devolvatur ad Episcopum, juxta Textum expressum in cap. *Sicut de supplen. neglig. Prelat.*, ibi -- *Sicut nobis tua fraternitas intimavit Monachi quidam, & Canonici Regulares, Ecclesias, quæ ad præsentationem eorum pertinent, in tuo Episcopatu bâbentes, propriis usibus deputare nituntur, nec volunt ad eas, cùm vacauerint, vocare personas: quin potius occasione concessio nis quorundam Episcoporum, Vicarios in eis pro sua inserviunt, & deserviunt voluntate: ad minus ita pensionibus onerantes, quod nec Ecclesiæ competenter possunt in paupertate nimia deservire, nec Episcopo*

*in Episcopilibus respondere: neque hospita litatem (scut convenit) transcurrentibus impertiri; Nolentes autem, ut status Ecclesie debitus, & antiquus, per insolentiam aliquius subvertatur; mandamus, quatenus (nisi à Jurisdictione tua exempta sint supradictæ Ecclesiæ) prædictos excessus studieas rationabiliter emendare. Et nisi prædictæ persona infrà tempus in Lateranen. Concilio constitutum, ad vacantes Ecclesias, tibi personas idoneas præsentaverint: ex tunc tibi liceat (appellatione remota) in eiusdem ordinare Rectores, qui eis præesse noverint, & prodeesse: ita tamè quod ex hoc nullum Patronis præjudicium in posterum generetur -- quem sequuntur Fra. de Reg. Patronat. Indiar. cap. 33. num. 46., Vivian. de Jurepatr. lib. 12. cap. 3. num. 4., Barbos. de potest. Episcopi par. 3. alleg. 72. num. 126. & seqq., Amofaz de cauf. piis lib. 3. cap. 13. num. 18., Capon. discept. 74. num. 19. tom. 2. Rot. in Senogallien. Beneficij 23. Aprilis 1703. §. Quod autem coram bo: me: Muto, & in Gerunden. Beneficij 3. Junii 1712. §. Minimè coram R. P. D. Falconero, & juxta superius deducta Par. II. Can. III., & Can. XXII. XXIII. & XXIV. in Commentario. Nisi Ordinarius renunciando juri suo admittat præsentationem quamvis factam extrà terminum, Vivian. de jurepat. lib. 7. cap. 6. num. 13., Card. de Luc. eod. tractat. disc. 64. num. 16., Barbos. de offic. & potest. 3 Episcopi alleg. 72. num. 143. & seq.; Vel nisi aliter fuerit à Fundatore dispositum in limine foundationis, quia si Fundator disposuerit, quod si Patronus intrà tempus à jure præfixum non præsentaverit, alter ad hoc per ipsum nominatus, præsentet, jus liberè conferendi non devolvitur ad Episcopum, sed ad alterum per Fundatorem substitutum devolvitur præsentatio. Card. de Luc. ubi suprà num. 14. Perez Lara de Annivers., & Cappell. lib. 2. cap. 9. num. 26. & seqq., ubi num. 8. dat rationem, quia cùm Testator providerit de remedio in casu negligentiae, illo est utendum.*

4 Nec est attendenda præsentatio ab uno ex supradictis Patronis expleta, quia cùm Beneficium vacaverit die prima Januarii, & illa fuerit facta mense Junii, & sic elapsi non solum uno mense à Fundatore præfixo ad præsentandum; sed etiam quadrimestre à jure præscripto Patronis

Laicis

Laicis, nullum jus tribuit præsentato, nec impedire valet devolutionem Beneficii ad Ordinarium, *Lap. alleg. 75. num. 3., & 6., Lambertin. de jurepatr. par. 2. lib. 2. quæst. prima art. 22. num. primo in fin.*, *Lotter. de re benef. lib. 2. quæst. 6. num. 35. & seq.*, *Rot. decis. 665. num. 8. par. 18. recen.*, & in Romana Cappellaniæ 25. Novembris 1707. §. Verum coram Eminentissimo Scotto, & in Augustana Canoniciatus 20. Martii 1716. §. Procedendo coram R. P. D. Crispo.

5 Eodem modo, quo nullius momenti est nec ullum jus tribuit obtinenti Beneficium, collatio illa; quæ fit à Collatore Beneficii, elapsa semestre, ad *Text. in cap. Dilecto de Supplen. neglig. Prelat.*, ibique Gonzal. num. 8., & cæteri scribentes Lotter. de re Benef. lib. 2. quæst. 24., *Garz. de Benefic. par. 10. cap. 2.*, Gonzal. ad regul. 8. gloss. 3. proœm. num. 4., *Barbos. de offic. & potest. Episcopi alleg. 126. num. 80.*; Haud urgente oppositione, quod Patronus ille, qui præsentavit non habuerit notitiam vacationis Beneficii, nisi in mense Junii; Quia terminus à jure præscriptus ad præsentandum currere videtur à die vacationis Beneficii, non verò à die illius scientiæ, ut statuit ex *Textu in cap. Statutum de præben. & dignitat. in 6.*, ibique *Gloss. verb. numerandum*, & expreßè tuerit *Lambertin. de jurepatr. lib. 2. par. 2. quæst. prima art. 8. num. primo*, & seqq.;

6 Immò cùm Beneficiatus mortuus fuerit in loco Beneficii, sibi imputari debet Patronus, si discedens à dicto loco, & abiens in longinguam partem, non constituerit Procuratorem ad præsentandum, occasione vacationis, juxta *Textum in Clement.* Cum ei de concess. præben., & Rot. decis. 1. de jurepatr. in antiquis.

7 His tamè omnibus minimè adversantibus, censeo in hoc casu, amoto liberè prouiso per Ordinarium ab hujusmodi Beneficio, esse in eo instituendum Præsentatum à supradicto Patrono. Præsentatio namque fuit ab hoc exarata paulò post paucos dies à die habitæ notitiæ, seu scientiæ vacationis Beneficii, & sic tempore habili, dum juxta sententiam hodiè magis communiter receptam, tempus datum à jure ad præsentandum non est continuum, quod perpetuò currat, & à quo non excipiatur aliqua dies prætextu festi, aut absentiæ, infirmitatis, aut alterius

justi impedimenti, sed est utile, quod non à die vacationis, sed à die scientiæ vacationis, & quidem veræ, & certæ, non autèm præsumptæ, vel interpretativæ, aut à die non impedimenti incipit currere, & computari, *Fagnan. in cap. Quia propter num. 4. de jurepat.*, *Garz. de Benef. par. 10. cap. 2. num. 34.*, *Barbos. de offic. & potest. Episcopi par. 3. alleg. 72. num. 134.*, *Amofaz de caus. piis lib. 3. cap. 13. num. 24.*, *Carol. Anton. de Luc. ad Gratian. discep- tat. 560. num. 12.*, *Card. de Luca de jurepatr. disc. 64. num. 5.* §. Contrarium, & dis- curs. 1. num. 5., *Vivian. eodem tract. lib. 7. cap. 2. nu. 2.*, *Bonden. collect. legal. 13. nu. 2. tom. primo*, *Rot. in Barchinonen. Beneficii 26. Martii 1703.* §. Quoniam coram R.P.D. Lancetta, & in Hostunen. Beneficii 10. Decembris 1708. §. Tamen coram R.P.D. Crispo inferiùs legen. confirmata 27. Januarii 1710. §. In facto coram R.P.D. Ansaldo, & in Capuana jurispatronatus 10. Junii 1709. §. Nibilominus, & §. Sed inutiliter coram R.P.D. Aldrovando.

8 Adedūt quælibet ignorantia vacationis Beneficii, dummodò non sit supina, crassa, & inverisimilis, quæ non attenditur, *Garz. de Benefic. par. 10. cap. 2. num. 30.* & seqq., *Vivian. de jurepatron. lib. 14. cap. 6. num. 12.* & seqq., *Card. de Luc. eod. tractat. disc. 64. sub num. 5.*, *Rot. decis. 377. num. 3.*

9 par. 3. rec.; Et quodlibet impedimentum impedit cursum temporis, Patrono ad præsentandum, & Collatori ad confe- rendum, *Text. in cap. Quia diversitatem de concess. præben.*, ibique *Fagnan. num. 1.*, & 8., *Garz. de Benef. par. 10. cap. 2. nu. 17.* *Barbos. de offic. & potest. Episcopi par. 3. al- leg. 72. nu. 138.*, *Pignatell. consult. 37. nu. 1. tom. 2.*, *Rot. decis. 506. num. 8. par. 18. rec.*, & in Augustana Canoniciatus 12. Janua- rii 1703. §. Siquidèm coram bo:me: Molines, & in Barchinonen. Beneficii 26. Martii ejusdem anni §. Hinc paritè coram R. P. D. Lancetta.

10 Quibus de causis nullum tempus dici- tur currere, quando agitur de Jurepatro- natus Regio, eo quod semper supponi- tur Reges, & Supremos Principes pro- babiliter esse impedimento detentos, *Barbos. de offic. & potest. Episcopi par. 3. alleg. 72. num. 137.*, *Card. de Luc. de jurepatr. dis- curs. 1. num. 6.*, & *disc. 64. num. 13.*, *Solor- zan. de jur. Indiar. lib. 3. capit. 3. num. 49.* & 50.

¶ 50., *Salgad. de Regia protect. par. 3. cap. 11. pit. 8. num. 43.* & seq.; Et quidem quod tempus incipiat currere non à die vacationis Beneficii, sed à die scientiæ vacationis procedit non solum quando agitur de quadri mestre, aut semestre à jure Patronis præfixo, ad præsentandum, sed etiam de quolibet alio tempore, quod Fundator servari voluerit à Patronis ad præsentandum; ut in terminis terminantibus Fundatoris, qui mandet præsentationem adimpleri intrà tale tempus decurrentum à die vacationis, quod hoc tempus nihilominus non currat à die vacationis, sed à die scientiæ, & notitia ejusdem vacationis, fusè firmat *de Marinis resol. jur. lib. 1. cap. 300. nu. 6.* & seq., *Antonell. de tempor. legal. lib. 3. cap. 15. n. 3.*, *Corrad. in prax. benef. lib. 4. c. 2. n. 74.*, ibi. *Etiam si tempus præsentandi esset à Testatore præfixum, namque ipsius voluntas semper intelligitur secundum juris communis dispositionem, nimurum quod tempus sit continuum à die scientiæ vacationis -- Rot. coram Verall. par. 3. decis. 248. num. 4.*, ibi. *Et licet Testator præfixerit tempus ad præsentandum, quod videtur esse iam dictis contrarium, quasi non debeat attendi scientia, vel ignorantia vacationis, quia respondet, quod voluntas Testatoris intelligitur secundum juris dispositionem.*

Unde cùm supradictus Patronus haberit notitiam vacationis Beneficii solum die prima Junii, ab hoc die incœpit ipsi currere tempus ad præsentandum non verò à die prima Januarii, quo Beneficium vacavit, & cum paulò post præsenterat, ejus præsentatio est valida; & è contrà provisio liberè facta ab Ordinario jure devoluto substituere non potest, ea ratione, quia cùm pœna devolutionis fuerit introducta à Sedis Apostolicæ vigilantia ad effugientiam, & compescendam negligentiam Patroni in præsentando, *Gonzal. ad regul. 8. Cancell. S. 5. præsum. 144.*, *Pax Jordan. var. elucubr. lib. 10. tit. 12. num. 3.*, *Ros. de execut. liter. Apost. tom. 2. in Addit. ad par. 1. cap. 7. num. 189.* & num. 204., *Rot. decis. 134. sub num. 14. coram Cerro, & in Forolivien. Canonicatus Theologalis 25. Junii 1700. §. Potissimum coram R. P. D. Ansaldo;* Ignorantia vacationis Beneficii, & quodlibet non improbabile impedimentum præservat jura

Patroni à devolutione ad Superiorem, *Vivian. de jurepatr. par. 2. lib. 7. cap. 2. nu. 7.* seq., *Castropal. oper. moral. tom. 2. tract. 13. de Benef. disp. 2. punct. 5. à num. 3. usque ad 6.*, *Azor. Instit. moral. par. 2. lib. 6. cap. 21. quæst. 10.*, *Zerola in prax. in verb. ius patronatus quæst. 8. vers. hic sunt multa, Ventrigl. in prax. par. 2. annot. prima §. 3. num. 28.* & seq., *Perez de Lara de Annivers. & Cappell. lib. 2. cap. 8. num. 35.*, *Rot. decis. 221. num. 11. coram Merlin.*, & *decis. 489. num. 2.* & seqq. *coram Cavaler.* & *decis. 64. num. 5. post Tondut. de Pension.* 14 uti esset e. g. Deficientia Personæ, quæ velit præsentationem acceptare ob insufficientiam reddituum; hujusmodi namque deficientia esset legitimum impedimentum, ob quod tempus præsentandi Patrono non currit, *Gonzal. in cap. Dilectio num. 11.* & seq. *de supplen. neglig. Prælat.*, *Vivian. de jurepatr. par. 3. lib. 14. cap. 6. num. 9. in fin.*, & alii relati per Rot. in Senogallien. Beneficii 23. Aprilis 1703. §. Nec ad excludendam coram bo; me: Muto. 15 Absentia, & carceratio Patroni, *Card. de Luc. de jurepatr. disc. 64. nu. 10.*, *Vivian. 16 eodem tract. lib. 7. cap. 2. num. 11.*; Error in præsentando, nempe quia præsentatio fuerit erroneè facta à Patrono coram alio habente instituere, qui error excusat à devolutione, vel saltè tribuit restituitionem in integrum, adeòut Patronus à die habitæ notitiæ nullitatis præsentationis possit novam, & legitimam facere, *Lap. alleg. 95. in fin.*, *Vivian. de jurepatr. lib. 5. cap. 2. sub num. 24.*, *Card. de Luc. de jurepatr. disc. 64. num. 11.*, *Rot. decis. 99. num. 15. par. 17. rec.*, & in Romana Capellaniæ 25. Novembris 1707. §. Prædictis coram Eminentissimo Scotto.

Hinc respondendo ad ea, quæ superius in contrarium pro ratione dubitandi objiciebantur; Præsentatio supradicta dici non potest contraria menti Fundatoris, eo quia non fuerit facta intrà mensim à die ejus obitus in limine fundationis præfixum ad præsentandum; Etenim præfixio unius mensis ad præsentandum fuit solum directa Fratri ejusdem Fundatoris primo instituto, unde non censetur repetita pro eis de dicta Familia substitutis, tum ex regula quod onus injunctum, dumtaxat primo vocato non censetur quoad substitutum repetitum, *Peregrin. de fidei-*

de fideicommiss. art. 16. num. 34. & seqq., Mantic. de coniect. lib. 7. tit. 6. num. 6., Rot. decis. 1520. num. 13. coram Coccin.; Tum quia prefixio illa termini verificabilis non est in substitutis; qui successerunt in Jurepatronatus longè post mensem à die obitus Fundatoris; ut simili objecto respondit Rota in Mediolanen. Beneficij 18. Junii 1708. §. Justitia cum seq. coram bo: me: Omaña.

Non obstat, quod tres de dicta Familia morantes in loco Beneficij, & hujus vacationis optimè conscientia nullam expleverint præsentationem intrà quadrimestre, ex hoc enim deduci non valet jus confitendi Beneficium fuisse liberè devolutum ad Ordinarium; Siquidè cum 18 alter Compatronus longè distans à loco Beneficij, ejusdem vacationis per totum quadrimestre fuerit prorsùs ignarus, & statim ac habuit notitiam præsentaverit; 19 Scientia illorum Compatronorum huic nocere non potest, sed ejus ignorantia impedit devolutionem ad Ordinarium, & jus præsentandi conservatur in ipso, aliis propter scientiam exclusis, Garz. de Benefic. par. 10. cap. 2. num. 41., Vivian. de jurepatr. lib. 7. cap. 2. num. 13., Capon. discept. 74. num. 20. tom. 2., Barbos. de offic. & potest. Episcopi par. 3. alleg. 72. nu. 138., Card. de Luc. de jurepat. disc. 64. num. 7., ibi -- Adeoque in valuit hæc secunda opinio, ut probabilis ignorantia impedit lapsus termini, quod sufficiat illam concurrere in uno ex pluribus, quamvis in aliis probaretur scientia, quoniam ob sepius insinuatam rationem individualitatis, ob quam hoc jus resistet in solidum penes singulos, in ignorantia conservatur totum jus præsentandi, in sequente impedit casum devolutionis -- Adden. ad Buratt. decis. 18. num. 11.

Neque adversatur supra citata dispositio Textus in cap. Statutum de præben. in 6. quia hæc est specialis dispositio respiciens Beneficia vacantia apud Sedem; & quæ idcirco conferenda dicuntur intrà mensem computandum à die vacationis, non à die scientiae, idque ut citius provideatur Ecclesiæ vacanti, juxta Barbos. in dicto cap. Statutum num. 11. & seq., Pyringb. ad lib. 3. decret. tit. 5. sect. 9. §. 2. num. 328., Zerol. in prax. Episcopal. 2. par. in verb. reservatio §. Decimo voto. Ab hac autem dispositione speciali non valet argumentum

20 tum ad hypothesim nostram præsentem, præterquamquod juxta receptiorem sententiam Textus in Extravag. Pia sollicitudinis de præben., derogavit d. cap. Statutum; ut docent Passerini ibi num. 2., Simonnett. de reservat. quest. 30. num. 3. Monet. de option. cap. 3. num. 70., Garz. de Benefic. par. 5. cap. 1. §. 1. num. 96. & seqq., Gonzal. ad regul. 8. Cancell. §. 5. proæm. à numero 148. usque ad fin.

21 In nihilo etiam relevante, quod Beneficiatus mortuus fuerit in loco Beneficij, & consequenter, quod sibi imputari debet Patronus, si præcedenter non constituerit Procuratorem ad præsentandum, juxta Clement. Cum ei de concejs. præben., quia Clementina hæc loquitur in vacatione nota; Nec decis. prima de jurepat. in antiquis, probat intentum, ut in puncto respondit Rot. coram Verall. par. 3. decis. 248. num. 2. & seq., ibi -- Non obstat Deciso prima de jurepat. in antiquis, quia fuit dictum, quod jura adducta in dicta decisione probant contrarium, & Clementina cum ei loquitur de vacatione nota.

Igitur ex supradictis apparet tempus Patronis præfinitum ad præsentandum currere non à die vacationis, sed à die

22 scientiae vacationis Beneficij. Qui autem prætendit Patronum habuisse hujusmodi scientiam, durum onus habet illam concludenter probare; quoniam præsumptio stat pro Patrono, quod habuerit ignorantiam potius, quam scientiam, dum omnino inversibile est, quod ipse quantum conscientius fuisse de vacatione Beneficij, potius voluerit, ut collatio liberè devolveretur ad Superiorem, quam gratificare consanguineo, aut alteri sibi beneviso, Barbos. de offic. & potest. Episcopi par. 3. alleg. 72. num. 135., Bonden. colluct. legal. 13. num. 4. & seq. tom. primo, Adden. ad decis. 21. num. 19. par. 3. rec., Rot. in Capuana jurispatronatus 19. Junii 1709. §. Altera vero coram R.P.D. Aldrovando.

23 Scientia vero vacationis Beneficij ad effectum devolutionis probatur in Patrone ex præsumptionibus, & conjecturis elicitis ex facti circumstantiis perpendendis prudenti Judicis arbitrio, qui considerata qualitate Beneficij, modo vacationis, locorum proximitate, ac fama ejusdem vacationis, determinare debet diem, quo Patronis vacatio verisimiliter innotescere

tescere poterat, ut docent *Io: Andr. in cap. Ex parte in princip. verb. recurrerint de concess. præben., Abb. in cap. Quia diversitatem num. 7. eod. tit., Vivian. de jurepat. lib. 14. cap. 6. num. 12. & seq., Rot. in Sporetana jurispatronatus apud Garz. de Benef. par. 10. cap. 2. num. 34. & decis. 380. nu. 2., & seq. coram Seraph., & in Barchinonen. Beneficii, seu Abbatia 24. Martii 1702.*

**24 §. final. coram Eminentissimo Caprara.** Ita ut si vacatio adeò fuit notoria, ut apparat summa negligientia Patroni eam ignorasse allegantis, tempus incipiat currere à die, quo scire debuit, & verisimiliter potuit, ex ratione, quod paria sunt scire, & scire debere, *Gabriel. conf. 186. num. 9. lib. 2., Rot. decis. 6. de jurepat. in novis, & decis. 7. num. 3. & seq. de præben. in antiqu., & in Burgen. Canonicatus apud Garz. de Benef. par. 5. cap. 4. sub num. 23. vers. vel currit, & decis. 309. num. 2. vers. paria sunt par. 3. rec.*

**25** Probatur itaque scientia vacationis; Primò, si vacatio contigerit in eadem Diocepsi, & loco ubi moratur Patronus, *Card. de Luc. de jurepat. disc. 64. num. 5. & seq., Rot. in Firmana jurispatronatus impress. apud Pacion. alleg. civil. & canon. al. 26 leg. 26. num. 66.*; Secundò ex publica voce, & fama vacationis, *Rot. in dicta Firmana jurispatronatus apud Pacion. ubi supra num. 56.*; Tertio ex confessione ipsiusmet Patroni, *Rot. in Vicen. Parochialium 26. Junii 1699. §. Nulla verò coram 28 Eminentissimo dela Tremoille.* Quarto, si Beneficiatus defunctus sit notus e. g. sit Lector in aliqua Universitate, sit Archipresbyter, Vicarius Generalis, Consultor S. Officii, & aliis præclaris qualitatibus, & honoribus Civitatis ornatus, *Rot. in Pisana Beneficii 24. Januarii 1710.*

**29 §. Neque coram Eminentissimo Priolo.** Quinto, si Patronus jure speciali administret bona dotalia Beneficii, & ex eorum frumentis solvat annuam congruam beneficiato, persolvat decimas pro Beneficio, aliasque expensas faciat, *Lotter. de re Benef. lib. 2. quest. 24. aum. 16. & seq., Garz. de Benef. par. 10. cap. 2. num. 11. & seq., & alii, quos refert Rot. in Senogallien. Beneficii 23. Aprilis 1703. §. Nullatenus coram bo: me: Muto.*

Quæro hic, an terminus iste à jure assignatus ad præsentandum observari de-

beat in nominatione ad Cappellaniā merè laicalem.

**30** Respondeo negativè, quia *Canon hic loquitur de Beneficiis Ecclesiasticis, unde extendi non debet ad hujusmodi Cappellaniā merè laicales, quæ non sunt talia, & respectu quarum non est determinatum à jure tempus ad nominandum, seu præsentandum; & ideo jus illas administrandi confertur per solam electionem, seu deputationem factam ab eis, seu majori parte eorum, quibus jus competit ex fundatione; quia in his non habet Episcopus jus instituendi, Guidopapa decis. 187. nu. 2. Paris. conf. 34. num. 9., Gonzal. in cap. Dilectio de supplen. neglig. Prælat. num. 10., Rot. in Pampilonen. Cappellaniæ 25. Maii 1646. coram Corrado.*

R. P. D. C R I S P O.  
Hostunen. Beneficii.

Luna 10. Decembris 1808.

**P**Erpetuum simplex Ecclesiasticum Beneficium sub invocatione S. Antonii Pavolini de Jurepatronatus Familia de Boviis fundatum reperitur in Cathedrali Hostunen., ita ut nominati per Fratres de Boviis in antecedentibus vacationibus absque ulia penitus contradictione institutionem ab Ordinario reportaverint; Cum verò de anno 1701. nova evenisset vacatio, expectato, quod quadrimestre datum à Jure Patronis ad præsentandum fuisset elapsum, Ordinarius de eo, uti devoluto Franciscum Milatium sibi ex Fratre Nepotem providit.

Hujus vacationis prorsùs ignarus Abbas Guido Bovius unicus de eo tempore Patronus, uti longè distans à loco Beneficii, cum in Patria Bononiensi, proprios lares retineat, ac in Urbe moram trahere soleat post cursum quinquennii tantum certior factus, prævio juramento super ignorantia vacationis præfatæ præsentavit Sacerdotem Bartholomæum Ribes, qui proinde Literis Apostolicis pro præsentato expeditis, eisque coram A. C. Cerro directis illarum executionem obtinuit, posteaque per organum Signaturæ Justitiæ mihi delegata Commissione appellationis cum clausula -- *Parito literis arbitrio* -- ad normam dicti rescripti in hodierna Audientia proposito per me Dubio,

bio, fait responsum -- *Arbitrium non intrare* -- Bartholomæo tantum informante, altera vero Parte dilationem pente.

31 Literæ siquidem Apostolicæ undique justificatæ remanent, ac signanter circa qualitatem Patronalem, sub qua præcipue reportata deteguntur, atque propterea celerem exposicunt executionem, quin ullum intrare valeat arbitrium pro earum retardatione ad notum *Text. in cap. Si Capitulo de concess. Præb.*, de quo in propria materia de Jurepatronatus, *Rota in Mediolanen. jurispatronatus 14. Februarii 1701. §. Fundamentum coram R.P.D. meo Scotto, in Bononien. Cappellaniæ 11. Maii 1701. §. Arbitrium enim coram Reverendissimo Conchen., & in Mediolanen. Beneficii prima Aprilis 1707. §. Et ad rem coram R.P.D. meo Ansaldo.*

32 Verificationem autem Jurispatronatus satis convincit decretum prolatum per Ordinarium, *Summ. Informationis num. 7.*, qui visa fundatione Cappellæ pronunciauit super existentia dicti Patronatus, ac illius pertinentia favore Familiaæ de Booviis, quod valde considerabile est, cum sententiis latis ab Ordinariis ad favorem Jurispatronatus plurimum veniat deferendum, quia ipsi non ita faciles esse solent in eis admittendis, & canonizandis, cum agatur de proprio præjudicio, & Ecclesiæ, quibus magis expedit, ut Beneficium sit liberum, quam Patronali servituti obnoxium, juxta bene in his terminis animadversa per *Lotter. de re benef. lib. 2. quæst. 13. num. 142. & num. 152. Capon. discept. for. 233. sub num. 28. Vivian. de jurepatr. lib. 11. cap. 5. num. 24. Rot. decis. 413. sub num. primo par. primarec. cor. Seraph. decis. 1141. nu. 8. coram Otthobon. decis. 224. num. 15. & 16. & in Arianen. Archipresbyteratus 27. Junii 1708. §. De anno coram R. P. D. meo Scotto;* Necnon comprobatur, etiam ex ipsa provisione per Franciscum reportata, quæ cum ab alio Jure non descendat, quam devoluto ob Patroni negligentiam in presentando, in sui necessarium antecedens pro certo supponit Juspatronatus existentiam, ut advertit *Rota decis. 245. num. 19. & 20. par. 9. & decis. 148. num. 6. par. 15. rec.*

Nec indubitatum Patroni Jus in hac vacatioione resolutum dici potest, ex quo  
*Pars III.*

ipse præsentationem Michaelis expleverit post quadrimestre de jure datum Patronis Laicis ad præsentandum, quo elapsone Beneficium diutius sine Beneficiato maneret, potuerit Ordinarius Patroni negligentiam supplendo illud devolutum conferre Francisco. Quoniam ad objecti eliminationem ponderandum venit, quod tempus datum ad præsentandum, licet aliqui crediderint, quod antiquius principium desumeret ab ipsa die vacationis Beneficii, ex quo in Legibus de Laico Patrono loquentibus non aliter explicatum reperiebatur, atque solummodo in Ordinario Collatore prouisum extiterat, ut semestre ad providendum ei datum à die scientiæ inciperet currere, ut in *cap. Licet de supplen. neglig. Prælat. cap. Quia diversitatem de concess. Præben.*; Hinc propterea quadrimestre adeò rigidè, & strictè in Patrono Laico acciperetur, ut ad illud effectum vis tota consistet in materiali temporis computatione, nullatenus admissa qualibet excusabilis ignorantiae causa, sed statim ultimo termino completo indistinctè superiori aperiebatur Jus Beneficium tamquam devolutum providendi, ut trididerunt Corrad. in *prax. Benef. lib. 4. cap. 2. sub num. 27. vers. bususmodi, Vivian. de jurepatr. lib. 7. cap. 2. uum. primo, & seqq.*, & eum hac opinione pertransit *Rota in antiquis decis. prima de jurepatr.*

33 Tamen derelicta hujus veritatis indagine, cum & plures patiatur difficultates, atque non defint aliæ, & antiquiores Rotæ Decisiones contrarium determinantes, quod videlicet quadrimestre à die notitiæ non verò vacationis currere incipiat, ut habetur in Decisionibus collectis inter *Antiquior. in titul. de jurepatr. decis. 3. & in tit. de Præb. decis. 7. numero primo, & 4.*; Hoc uicum est certum, quod hodie ea uti magis benigna apud Doctores invaluit opinio, ac in nostro Tribunali passim recepta, ut terminus præfatus ad præsentandum, cum in odium negligentium præscribatur, nec propriè cadat negligentia, quamdiù perseverat vacationis ignorantia, illa ignorantia, quæ excusat Ordinarium Collatorem, nè à suo Jure cadat, eadem pari Jure suffragari debet Patrono Laico, cui quadrimestre ad effectum præsentandi concessum

non incipit currere à die vacationis , sed à die tantum demonstratæ scientiæ, ut de communi testantur Fagnan. in cap. Quia propter num.4. de jurepatr., Cavaler. in repet. ad cap. Consultationibus de jurepatron. num. 35. & 36., Engel. in jus Canon. lib.3. tit.38. num.13., Wagnereich. in cap. Quoniam num.2. de jurepatr., Garz. de Benef. par.10. cap.2. num. 34., Murg. de Benefic. quæst.3. num.399., Solorzan. de jur. Indian. lib.3. cap.3. num.48., Frass. de Patron. Reg. Coron. cap.32. num.41., Antunez. de donat. Reg. lib.3. cap.28. num. 115., Lagunez de Fruct. par. prima cap. 31. §.3. num. 113., Antonell. de Temp. legal. lib.3. cap.16. nu.2., Barbos. de offic., & potest. Episc. par. 3. alleg.72. nu.135., Amofaz. de caus. piis lib.3. cap.13. num.21. & seqq., Modern. Roman. discept. Eccles.4. num.50., Rot. decis. 459. num.7. coram Buratt. decis.380. num. primo coram Seraph., coram Cerr. decis.114. nu.8. & seqq. & in rec. decis.21. num. primo, ibique Add. num.18. par.3. decis. 154. num.9. par.12., & in Melphicten. Cappellaniæ 17. Junii 1699. §. Confimili irrelevantia coram bo: mem: Muto, Barchinonen. Beneficii 24. Martii 1702. §. Non obstat coram Eminentissimo Caprara , & pluribus cumulatis in Romana Cappellaniæ 25. Novembris 1705. §. Verum cum seq. & in Mediolanen. Beneficii prima Aprilis 1707. §. Neutra tamen coram R. P. D. meo Ansaldo, & in Capuana jurispatronatus 11. Maii 1708. §. fin. cor. R.P.D. meo Lancetta .

34 Hinc sequitur, quod ad effectum, ut Jure devoluto possit Beneficium provideiri, non satis est, quod afferatur, quod quadrimestre fuerit clapsum, nisi probatio hæc sit quoque associata alio adjumento scientiæ vacationis præfatae, nam cùm fundamentum provisionis Jure devoluto consistat in præfata scientia, qui in ea se fundat, illam debet liquidis probationibus ostendere, nullatenus operante interpretativa, & præsumpta, cùm scientia ad hunc effectum debeat esse vera, & indubitate, Lap. alleg.78. num.12., Gabr. conf.185. num.6. lib. 2., Antonell. de Temp. legal. lib.8. cap.15. num. 8., Corrad. prax. benef. lib.4. cap. 2. sub num. 74., Cappon. discept.74. num.20., Cortiad. dec.253. sub num. 53., & dixit Rot. in Firmana Altaris 5. Decembris 1599. coram Blanchetto relat. per Murg. de Benef. qu.3. nu.402.,

Mediolanen. Beneficii 9. Decembris 1707. §. Et quatenus coram R.P.D. meo Caffarello, Capuana jurispatronatus 11. Maii 1708. §. Vel tandem, & in Mediolanen. Beneficii 2. Julii ejusdem anni §. fin. coram R.P.D. meo Lancetta .

35 Ad hujusmodi autem scientiam convincendam non satis esse poterat Edictum, quod per Ordinarium ad valvas Ecclesiæ affixum afferitur ; quia quatenus de eo aliunde, quam ex Episcopi assertione constaret, non tamen in Abbate Bovio Patrono certam scientiam valuit producere, ut vacationis Beneficii dicetur notitiam habere, nam cùm Edictum præfatum affixum fuerit in remotissima Regni Neapolitani Civitate, ubi Beneficium est situm, & vacavit, Patronus verò longè distabat à Civitate, ac illius Diœcesi, cùm uti Patritius Bononiensis Bononiae degeret, vel aliquando in Urbe, atque propterea id quod in Hostunensi Civitate, & Diœcesi aëtum fuit non valuit afficere Patronum alibi degentem, ad hoc, ut vacationis scientia ad eum indubie dici posset perducta, cum Edictorum affixiones possint vacationis scientiam præsumi facere in illis Patronis, qui in loco ubi Edicta affixa fuerunt, vel in Diœcesi resident, non verò in Forensibus, qui extrâ Diœcesim inhabitant, in quibus cessat quælibet verisimilis notitia præsumptio, imò potius subintrat altera præsumptio adversativa, justæ nempe ignorantiae, Card. de Luca de jurepatron. disc. 69. num. 6., Rot. decis.5 32. sub nu.1. par.4. divers., in Firmana jurispatronatus 28. Novembris 1631. §. Quæ dicuntur cor. Ghislerio impress. apud Pacion. allegat. 26. num.64., Romana Cappellaniæ 25. Novembris 1705. §. Fortius coram R.P.D. meo Ansaldo, dicta Capuana jurispatronatus 11. Maii 1708. §. final. coram R. P. D. meo Lancetta .

36 Verum cùm Ordinario esset optimè nota, & certa persona Patroni præsentare debentis, ex quo in duabus anteactis vacationibus præsentaverat, & præsentationes autorizatæ extiterant cum ipsius Ordinarii successivis institutionibus, necesse erat, ut speciali citatione ille absens monitus, & excitatus fuisset ad præsentandum, non verò per Edictum generale affixum in Civitate Hostuncensi, ubi Patro-

Patronus non residet, qua speciali notificatione deficiente ipsius juri nominandi non potuit esse detractum, sed illud in suo vigore intactum remansit, itaut donec, & quousque certa scientia ad illum non doceatur pervenisse, nullum tempus præjudiciale currere potuit, *Caren. resolut. 10. num. 10., Rot. in Cremonen. Præposituræ 23. Maij 1644. apud Caren. dicta resolut. 10. sub num. 23. vers. Nullitas si quidem.*

**37** Quæ èd magis debent habere locum cùm Patronus in præsentatione, quam explevit medio juramento allegaverit ignorantiam præfatæ vacationis Beneficii, per quod juramentum exclusa remanet quælibet suspicio præsumptæ scientiæ in terminis dixerunt, *Abb. in cap. Quia diversitatem num. 6. de concess. præb., Menoch. de Arbitr. cap. 188. num. 3., Rot. decis. 1289. num. 27. coram Coccin., & in Capuana jurispatronatus 11. Maij 1708. in fin. coram R.P.D. meo Lancetta, cùm, & Leges Canonicae in probanda ignorantia statuerint illam allegantes cum proprio juramento de ea fidem facerent, eorumque juratæ assertioni, quo ad hoc esset plenè deferendum, ut literaliter habetur in cap. Ut circa §. Super hujusmodi, & in cap. Nulli in fin. de elect. in 6.; Quod, & signanter in casu, de quo agitur venit admittendum cùm agatur de Patrono integerrimæ probitatis, ac Illustri Nobilitate decorato; Viris autem dictis qualitatibus pollutibus in iis, quorum veritas ex aliis argumentis haberi non valet, plenam fidem esse præstandam Leges voluerunt, ut de prima habetur in L. Non omnes §. A Barbaris ff. de re militar., de secunda in cap. Nobilibus diff. 97.*

Ex his cùm clarè constabilitum effuleat, quod Ordinarius nulliter ad collationem Beneficii jure devoluto devenerit, exinde promanat, quod Franciscus ab eo provisus ad effectum se confundendi in possessione Beneficii ita à Patrono conquisi se tueri non valeat fulcimento duplicitis regulæ 35. & 36. Cancellarie analis, seu triennalis pacificæ possessionis, **38** nam cùm finalis ratio prædictarum regulatum ea fuerit, ut improbi lites exquirerent motus in imperatione Beneficiorum certo modo reprimerentur, minime hæc congruere possunt in casu, de quo

*Pars III.*

agitur, in quo Franciscus injustus Possessor, cùm, & potius intrusi, quæ Provisi nomen promereri videatur destitutus apparet aliquo titulo, vel saltē colorato, finè quo Regulæ prædictæ effectum suum operari non valent, *Gomez ad regul. de Triennal. quæst. 58., Barbos. in cap. Ordinarii num. 4. de offic. Ordinar., Floreß. de Medina var. resol. lib. 2. quæst. 23. num. 61., Cappon. discept. 1. num. 8., Card. de Luca de Benef. disc. 91. num. 13. & 14., Chokier. d., permut. Benef. lib. 3. cap. 20., Rot. cor. Seraph. decis. 1498. num. 14. & 15. cor. Cels. decis. 130. num. 10. cor. Emerix Jun. decis. 1173. num. 7. & 8., & in Mediolanen. Beneficiorum 2. Julii 1703. §. Ex his profectò cum seq. coram Reverendissimo D. meo Decano; Eoque fortius in Beneficiis de Jurepatronatus, in quibus multò minus Regulæ præfatæ non sunt admittendæ contra institutionem faciendam ad nominationem veri Patroni, ut de annali dixerunt Antonell. de Temp. legal. lib. 2. capit. 35. nu. 22., Tondut. resol. Benef. par. 1. cap 86. num. 33., Rot. coram Moberdan. decis. 5. de jurepatr. coram Serapb. decis. 285. num. 6. in Recent. decis. 599. nu. 41. par. 2. tom. 3., & de annali, & triennali Rot. in dicta Mediolanen. Beneficiorum 2. Julii 1703. §. Cum de cætero coram Reverendissimo D. meo Decano.*

Et ita altera tantum &c.

## ARGUMENTUM.

Procurator generaliter constitutus à Patrono ad præsentandum sciens vacationem Beneficii, si non præsentet in tempore, an præjudicet Patrono ignorantis dictam vacationem, & an huic competit restitutio in integrum.

## SUMMARIUM.

- 1 *Scientia vacationis Beneficii habita per Procuratorem, & hujus negligentia in præsentando in tempore an causet deviationem, & præjudicet Patrono absenti, & eamdem vacationem ignorantis; Vide ibi, & num. 3.*
- 2 *Alteri per alterum præjudicium causari non debet.*